



KOMUNIKADU IMPRENSA

BANCO CENTRAL DE TIMOR-LESTE SEI REALIZA TREINAMENTU KONA-BA RESIKLAZEN BA SISTEMA R-TIMOR

Dili, 27 Jullu 2018

Banco Central de Timor-Leste (BCTL) lansa tiha ona sistema R-TiMOR (Rede Transferência iha Momento Real) iha fulan Abril 2015. Sistema R-TiMOR nudar fundasaun ba sistema pagamentu Timor-Leste nian. Sistema R-TiMOR komposto hosi: Rede Finansial Interbankáriu (Interbank Financial Network), sistema brutu likidasaun iha momentu réal (RTGS), Casa de Compensação (ACH) no likidasaun kontabilidade ba banku sira, Governu no BCTL.

Ohin Banco Central de Timor-Leste servisu hamutuk ho Montran realiza treinamentu resiklazen ba sistema R-TiMOR ho objetivu prinsipál atu hasa'e kuñesementu ka kapasidade partisipantes sira oinsa atu uza sistema R-TiMOR ba operasaun loron-loron nian. Treinamentu ne'e sei hahu'u iha loron 30 fulan Jullu no sei remata iha loron 2 fulan Agostu 2018.

Total partisipantes hamutuk nain 32 mai hosi ministériu das Finansas (MoF), Banku-sira no Inklui mos hosi BCTL hanesan: parte IT, parte Pagamentu, parte Kontabilidade no mos parte Internal Audit.

Ekipa BCTL hala'o Treinamentu ida ne'e, ninia benefísiu ba partisipantes sira atu hasa'e kuñesementu ba prosesa pagamentu sira, oinsa atu bele buka-tuir no hetan pagamentu partikular, hatene no investiga pagamentu sira ho statuto rejeisaun no pendente no ikus liu atu mellora kuñesementu partisipantes sira hodi halo rekonsiliaun no relatóriu loron-loron nian.

{Remata}